

Script of Morning Gojri News Bulletin 22 December 2024 at 1015Hrs

مارننگ گو جری نیوز بلیٹن مو رخہ 22 دسمبر 2024

یوہ آکا شوانی جموں ہے باغ علی طاہر تیں خبر سُنو۔

PM Kuwait

وزیر اعظم نریندر مودی اج کو ویت شہر مانہہ کو ویتی لیڈراں سنگ گل بات کریں گا۔ اُن نانہہ بایان پبلِس مانہہ روائتی گارڈ آف آنر پیش کیو جا ئے گو۔ وے کو ویت غا امیر تے شہنشاہ کو ویت سنگ علیحدہ علیحدہ گل بات کریں گا۔ وزیر اعظم مودی کو ویتی وزیر اعظم سنگ وفد سطح غی گل بات وی کریں گا۔ 43 بہراں غا عرصہ غے بعد پہلی وری کسے بھارتی وزیر اعظم نے کویت غودور ولایو ہے۔ وے دو روزہ دورہ وری کویت گیا ہیں۔ وزیر اعظم نے کویت شہر مانہہ ہالا مودی تقریب غے دوران بھارتی نٹاد لوکاں غا اک بڑا اجتماع سنگ وی خطاب کیو۔ اُنہاں نے اس موقعہ وری بھارتی لوکاں غی طرفوں کو ویت غی ترقی غی خاطر سخت محنت تے دواں ملکاں بشکا ر آپسی تعلقات نانہہ فروغ دین غی خاطر اُن غی سراہنا کی۔

CM GST Meet

وزیر اعلیٰ عمر عبداللہ نے کل جیسل میر مانہہ منعقدہ جی ایس ٹی کو نسل غی میٹنگ مانہہ شرکت کی۔ اخباری نمائندان سنگ گل کرتاں واں وزیر اعلیٰ نے کشمیری شالاں تے دوجی دستکاری غی چیزاں وری بدھتا جی ایس ٹی وری تشویش ظاہر کی۔ اُنہاں نے دسیو جے پشمنہ شالاں وری ٹیکس بدھن بارے کوئی تجویز یاہ غور نہیں کیو گیو ہے۔ جی ایس ٹی میٹنگ غے بعد جیسل میر مانہہ گل کرتاں واں عمر عبداللہ نے شال بُنکراں تے دوجا دستکاراں غا مفاد غو دفاع کرن بارے تیاریاں غی جانکاری دتی۔ دستکاراں تے دوجا کاروبا ریاں نے وزیر اعلیٰ غا اس اقدام غو خیر مقدم کیو ہے۔

Education Min

مرکزی وزارتِ تعلیم نے پردھان منتری اُچتر شکشہ ابھیان (پی ایم اُشا) غے تحت جموں کشمیر کا 9 اعلیٰ تعلیمی اداراں واسطے 85 کروڑ روپیاں غی منظوری دے دتی ہے۔ یوہ فیصلو پروجیکٹ منظوری بارے بورڈ غی نتیجی میٹنگ مانہہ لیو گیو ہے۔ منظور کیا گیا پروجیکٹ مانہہ 20 کروڑ روپیا بابا غلام شاہ بادشاہ یونیورسٹی راجوری کا ڈھانچہ نانہہ بہتر بنان واسطے منظور کیا گیا ہیں۔ اس تیں علاوہ 5 نواں بچیاں واسطے ہوسٹل وی تعمیر کیا گیا جائیں گا، جھپڑا جے بانڈی پورہ، بارہمولہ، کلگام رام بن تے اُدھم پور مانہہ قائم کیا جائیں گا تے اس واسطے ہر اک ضلع غی خاطر 10 کروڑ روپیا منظور کیا گیا ہیں۔

Mos DISHA Doda

مرکزی وزیر ڈاکٹر جتندر سنگھ نے کہیو ہے جے جموں کشمیر آئندہ 5/4 بہراں غے دوران بجلی شعبہ مانہہ خود کفیل ہو جا ئے گو۔ تے اضافی بجلی دوجی ریاستاں نانہہ وی برآمد کی جا سکے گی۔ اُنہاں نے دسیو جے آئندہ 4/3 بہراں غے دوران جموں غا بجلی پروجیکٹ 8 ہزار میگا واٹ بجلی پیدا کرن غے قابل ہو جائیں گا۔ مرکزی وزیر کل ڈوڈہ مانہہ دیشا غی اک میٹنگ غی صدارت کر رہیا تھا۔ جس دوران چہتر گلا، ٹٹل جیسا اہم

پروجیکٹاں غو جائزو لیو۔ یوہ ٹنل ہر موسم مانہ قابل کار رہ گو۔ جہیڑو ڈوڈہ نانہ لکھنپور سنگ جوڑے گو۔ اس پروجیکٹ غی تکمیل سنگ روز کار تے اقتصادی موقعہ میسر آسکیں گا۔ مرکزی وزیر نے اس موقعہ ور لوکاں غی ترقیاتی اسکیمیں مانہ شرکت، ہنر پیدہ کرن تے منشیات غی بدعت تیں پاک سماج بنان غی اہمیت وی ظاہر کی۔ اس توں علا وہ انہاں نے بہدرواہ مانہ سیاحت نانہ فروغ دین غی خاطر اک ہور لوینڈر میلہ غا انعقاد تے دوجی ذراعتی سرگرمیاں نانہ فروغ دین غی تجویز وی پیش کی۔

Dy CM Dogri Cinema

نائب وزیر اعلیٰ سریندر کمار چودھری نے کل جموں کشمیر مانہ تخلیقی صلاحیتاں نانہ فروغ دین واسطے سرکار غا عہد نانہ دہرایو ہے۔ ڈوگری فلم ”گینگ وار 86“ غی پیشکش غا افتتاح غا موقعہ ور بولتاں واں انہاں نے مقامی فلم کاراں غی سراہنا کرتاں واں انہاں نے مقامی ثقافتی اہمیت اُجاگر کرن ور زور پایو۔ نائب وزیر اعلیٰ نے جموں کشمیر مانہ فلمی سیاحتی مقام غی بحالی در شروع کیا گیا اقدامات ور وی لوہ پائی۔ انہاں نے مقامی فنکاراں تے فلمکاراں غی حوصلہ افزائی کرتاں واں اُن نانہ علاقائی کہانیاں غی فلماں غی ضرورت ور زور پایو۔ نائب وزیر اعلیٰ نے یوٹی مانہ تخلیقی صلاحیتاں غا فروغ تے ایسا موقع مہیا کران غی خاطر سرکار غا عہد غو وی ذکر کیو۔

Mission Yuva

جموں کشمیر غا 20 ضلعان غی 285 بلاکاں تے 9 سو پنچایتاں مانہ مشن یوا غے تحت بدلاؤ بارے تنظیم اُدیہ جاگیرتی شروع ہو چکی ہے۔ جس مانہ پہلے 10 ہزار تیں متا لوکاں نے شرکت کی ہے اور 1 ہزار غے قریب نوجوانان نے یوتھ سیکل اینڈ انٹرپرائزور شپ ایپ ور اپنو اندراج کرایو ہے۔ اس مہم غو مقصد خود کفالت آئے راغب ہونو، آبا دی نانہ وسائل نال جوڑنو تے ایجاد کاری نال جڑنو ہے۔ اگلا 2 مہیناں مانہ اس مہم غے تحت تمام 4 ہزار 2 سو 91 پنچایتاں نانہ گورور کیو جائے گو۔

DC Doda

ڈوڈہ غا ڈپٹی کمشنر ہر ویندر سنگھ نے پچھلے تہارے منی کارفرنس ہال مانہ اک ضلع سطحی کمیٹی غی میٹنگ غی صدارت کرتاں واں اقلیتی برادری غی ترقی بارے مرکزی فلیگ شپ اسکیم پر دھان منتری جن وکاس کاریکرم غی پیش رفت غو جائزو لیو۔ میٹنگ مانہ اس اسکیم غے تحت صحت تے تعلیم غی تجویز نانہ حتمی شکل دینو تھو۔ میٹنگ مانہ جن اہم معاملان ور تبادلہ خیال کیو گیو اُن مانہ صحت تے تعلیم پروجیکٹاں غی تجویز، دیہی علاقان مانہ صفائی ستھرائی تے صحت دیکھ بھال ڈھانچہ نانہ مضبوط کرنو شامل رہیو۔ ڈی سی موصوف نے اسکولی عمارتاں غی تعمیر، بچیاں واسطے ہو سٹل، کھیڈ غی سہولیات تے بنیادی ڈھانچہ مانہ بہتری لیان بارے زور پایو ہے۔

Announcement

ریجنل نیو یونٹ آکاشوانی ”سو گمیا بھارت ابھیان“ گا موضوع ور اج دوپہر 12 بج غے 10 منٹ ور اک خصوصی پروگرام نشر کرے گو۔ یاہ اسکیم سرکار معزور افراد نانہ رُکاوت غے شمولیت مہیا کرانو ہے۔

Weather

جموں کشمیر مانہہ شدید سردی غی لہر محسوس کی جا رہی ہے، اور اس غی شدت مانہہ لگاتار بادل ہو رہیو ہے۔ کہٹ و کہٹ درجہ حرارت 5.4 ڈگری سلپس توڑی تلے آگیو ہے۔ محکمہ موسمیات نے پیشنگوئی کی ہے کہ آئندہ 26 تاریخ توڑی موسم خشک رہ گو۔
